

PT-CZ-ESL-SEC-B2-9-ATT1

1. kotor

Lačho d'ives savorenge. Hin akana šov ori tosara. Me man vičínáv o Perumos Balvaj u som rado, hoj pale dikhen pro amaro sakod'ivesutno hiripen „*Sar hin u sar ela*“.

Adad'ives amenge o kham anela tato dži kerado d'ives. Tosara ela dešuduj dži dešupandž stupňi celzija u pal o dilos šaj užaras vaj tranda the pandž stupňi celzija, vaš'oda ma bisteren but te pijel, aľe ma pijen mol' abo thard'i, bo diliňal'uvena olestar, paňi ela nekfeder. E balvaj phurdela ča jekh metros tel e sekunda, ta ela čačes kerad'ipen. Te džana paš o paňi, makhen tumen le kremoha bare faktoriha, bo skal'ona mek buter, sar san akana u šaj tumen pal'is vičinas *Angara*. O devel ela čučo, vaš'oda ela calo d'ives šukar. Raťi ela pandž dži efa stupňi u avela brišind.

Pal'ikerav tumenge, hoj pre amaro hiripen pale dikhl'an. Tajsá pes pre tumende lošanela o Brišind Khamestar. Mangav tumenge lačho d'ives.

2. kotor

Lačho d'ives. Hin ada tumare hiri „*Sar hin u sar ela*“. Vičínáv man Kachňar Paňalo u predžava tumenca kada hiripen.

Adažives ela pherdo devel le chmarenca u ela čeporo šil. Tosara užaren šov stupňi celzija u dureder predal o d'ives ela dešujekh stupňi celzija. Kije raťi ela pale šil, ta te džana varekaj avri, ma bisteren tumen tates te urel, amen užaras pandž stupňi celzija.

Manušengero pharipen ela pro stupňos jekh u e balvaj phurdela trin metri tel e sekunda. Calo d'ives dela brišind u raťi pes muken o perumi.

Oda imar mandar adad'ives sa. Mangav tumenge lačho d'ives u tajsá pes predal tumende lošavel o Bakro Ciral. Ačhen Devleha.